

四庫全書

集部

欽定四庫全書

集部

皇清文頴卷八十六

四至

詳校官檢討

臣

朱依昊

主事銜

臣徐以坤覆勘

覆校官中書

臣

田尹衡

校對官中書

臣

王彝憲

校對官中書

臣

王鍾泰

謄錄監生

臣

史廷奭

謄錄監生

臣

張鱗

欽定四庫全書

皇清文頴卷八十四

詩

七言律詩

乾隆三年

聖主臨雍禮成恭紀四首

蔣溥

鑾輿曉度傍樞星統合

君師式典型萬仭宮墻輝釋奠九天雲日照橫經先登

道岸尊

前聖獨契心源示在廷樂備禮明

思浩蕩春流芹藻有餘聲

坦坦賢街接禮門升堂展敬

帝容溫虬松舞翠枝逾古駕瓦流黃制倍尊物備兩楹
車服盛爵陳三獻禮儀敦無言自有羹牆契北面親

師對越存

鸞旂翠葆映霄雲午夜生徒佇大昕香霏氤氲披

御座霞光燦爛仰

天文敷揚性命傳洙泗尚論欽明重典墳名理會心期
共喻園橋冠帶蔚如雲

聖朝文治洽膠庠更企

宸修卜運昌三殿瑤籤垂制作六堂寶架煥文章淵源
早識傳心法俎豆重看發道光今日講幃沾

教澤無私化雨徧遐方

聖主臨雍禮成恭紀六首

于振

天子敷文首辟雍崇牙虞荀樹鐘鏞樂羣敬業尊師氏
說禮敦詩在瞽宗槐市橫經皆彥俊杏壇鼓篋盡春容
欣逢

乾德光昌日

聖學高深萬國顯

文廟巍嵒德所基春秋俎豆飭儒師庠分上下軒楹爽
序列東西藻績施自是羹牆勤

寤寐俄瞻棟桷煥琉璃星躔奎壁文明盛紉綬卿雲五

色垂

春仲陽舒屈上丁

鑾輿晨蒞燭光煒虞庠再展三雍禮

堯陛新開二葉棠授几升階緣養老

臨軒前席為談經園橋鵠立知無數百濟新羅總在

庭

洪惟

聖學溯唐虞精一危微敬是樞已見松雲生棟牖還銘

几杖凜盤盂

日知薈萃窺

心奧

樂善編摩仰

帝圖一自

彤扉蒙

寵渥草茅頻得拜

嘉謨

臣自元年引

二年又蒙賜

見蒙樂善堂全集

賜日知薈說

帝眷儒林

雨露頻不教滄海有潛鱗纔聞

玉殿臚句唱又見

天門蒞榜新重坐豈惟三十席授經何止八千人

小臣

幸得偕儀鳳兩覲元辰觀

紫宸

臣振於雍正元年殿試第一甲第一名乾隆元年
欽試博學鴻詞蒙恩欽定一等第四名

珥筆

金門愧不才

臨雍盛典慶趨陪懸鐘待叩聆

天語琢玉成功稟

睿裁仗馬有知猶振鬣游魚無翼亦揚腮微生未竭涓埃報虛負

昌時說馬枚

聖主臨雍禮成恭紀三首

林令旭

文明肇啟應

昌期赤紱瑤光繫

睿思至德千秋原契合清時三月肅威儀銅龍漏轉
鑾輿動翠柏春濃彩仗移共喜

昇平傳盛事

聖人君拜

聖人師

璧水增輝黃屋新禮隆三獻重明禋笙鏞雅奏金絲叶
邊豆馨香玉醴陳匝月

龍輿看再至

兩朝鴻訓實相因

躬耕纔畢

躬臨學濟濟橋門集鳳麟

監薦升堂

聖敬昭旋開

講幄

御香飄書呈

玉几開黃帕露浥金莖下碧霄位育功深原性教欽明

德被繼陶姚心傳道統遙相接雲煥

龍章仰

盛朝

聖主臨雍禮成恭紀四首

徐以烜

盛朝文治契儒宗重道

躬先涖辟雍

三殿春旗千騎擁十行

丹詔五雲重宮牆東魯思車服虞業西周振鼓鐘大禮

率由成憲在

九天儀度正從容

膠庠釋奠薦馨香裡祀尊崇邁百王

睿藻高懸庭煥采闕宮重整屋施黃包涵學海興儒行
仰止高山上孔堂經術源流

親印証欣瞻雲日大文章

文華殿啟

御經筵

視學重將

寶訓傳述聖首章尋孔思放勲開卷廓堯天行生并寓
無言教聲振如聞大樂宣從此儒林呈瑞色菁莪歌頌
滿新篇

聖學由來似海寬普天樂育漲文瀾園橋化雨沾槐舍
講席春風接杏壇後裔雲仍皆受

賜中朝鵷鷺盡騰歡尊

師時切羹牆慕珥筆深慚紀述難

聖主臨雍禮成恭紀四首

有序

阮學浩

乾隆二年冬十二月

皇帝詔曰

先師孔子聖集大成教垂萬世我

聖祖仁皇帝

世宗憲皇帝咸

詣辟廱釋奠詔講朕祇承丕緒嚮慕心殷特易

聖廟以黃瓦用展崇敬其俟工竣將親詣焉於是所司

迺詳據舊章諏三年春三月甲寅

上視太學釋奠如儀爰

御藝倫堂祭酒司業官以次講中庸虞書之首篇既宣
御論環聽者數千人靡不悅服越翼日

綸音煥沛錫慶有加禮也洪惟

聖天子躬生知之質好古敏求實與

聖祖仁皇帝

世宗憲皇帝心源繼續遠紹大成統緒以故崇儒右文

至誠至敬頒布

聖祖御纂經籍暨

御製文集於學宮多士是訓是行蔚有德造今年仲春

上丁之祀

親致齋裡恪行三獻復

御製匾聯懸揭若星漢茲未匝月

清蹕再臨猗歟盛哉揆諸雅頌薪樵中阿鸞旂泮水曷

能企焉

臣叨列侍從親

道德之光華敢托矢歌以揚厲我

國家億萬年文明之治詩曰

古柏陰森翠拂空
櫺星門啓瑞烟籠
輝煌廟貌侔中禁
璀璨

天題賁學宮重道真逢

堯舜主尊師合陋
漢唐風鈞陳羽衛
凌晨發槐市喧闐
燭影中

上丁二月展明裡
視學重煩秩祀申
九奏元音金石備

千秋法物豆籩陳

大君誠敬先多士

天子羹牆見

聖人一脉尼山歸

列祖我

皇繼述右昌辰

環集生徒禮數寬詩傳于邁盡騰歡上公陪祀來

金闕博士觀光近

玉鑿壁水鶯花三月曉橋門冠帶萬人看只緣稽古多
榮遇未覺瞻雲路果難

芹藻香清劍珮旋禮成稠疊

聖慈宣玉壺漿泛雲霄上彩綺霞分日月邊惠溢兼金
憑錫予額增榮榜待聯翩

恩暉湛露栽培普定有鴻文石鼓傳

聖主臨雍禮成恭紀四首

張若靄

黃屋新開萬仞崇

鑾輿視學出齋宮祇因百代心源合愈覺三籙典制隆
鳳幄翠分庭柏影

鸞旂香滿沼芹風青袍道左爭迎拜一體

君

師教育同

爐烟漠漠靄彤墀

翔步升堂盥獻時已向兩楹陳俎豆如聞四壁應金絲
留連車服看猶昔對越羹牆儼在茲紅燎光中

親展禮

天顏肅穆侍臣知

合樂聲終扇影迴
儒臣先侍講堂來
繡袍黃繖從天下
綈儿牙籤對

御開共覩欽明光
格被久知位育道
全該尼山宗法唐
虞治並列瑤編仰

睿裁

銅街簇仗駕飛黃

仙蹕才移畫漏長萬國共欣瞻

鳳藻諸生新得覲

龍光統開八百車書會人在三千弟子行遙見金根隨
化雨殿槐壇杏一時芳

聖主臨雍禮成恭紀四首

齊召南

顯謨承烈際重熙

聖主端居講藝時禮樂百年光舊典文明千載啟

昌期心源自與唐虞接道脉遙從洙泗垂視學季春依

月令於論鐘鼓譜歌詩

虎闌燈燭集儒官
聲報靈囂夜色寒
博士四門齊鼓篋
諸生六館盡彈冠
濃瀼露待沾槐市
紉縵雲先護杏壇
漏刻漸催天半曙
分班鵠立候鳴鸞

太平

天子涖芹宮
夾道旌旂映日紅
正是芳時逢穀雨
共欣清蹕引薰風
典文稽古三雍備

家法尊

師六拜崇不盡高山瞻仰意

精裡直自比升中

羹倫堂繞

玉爐烟論說司成

賜坐氈占得

飛龍乾五位肄來鳴鹿雅三篇賓興更展春官額俊造

同分太府錢率海譽髦觀

盛德

恩波還勝永平年

聖主臨雍禮成恭紀四首

任端書

鼙鼓聲中簇仗齊虎闌春暖燦

鸞旂太平自重三雍禮

天子親瞻百代師肅肅虞庠兼授策煌煌周雅盛歌詩

東郊故事無煩說

車駕從容曉詣時

紫芹芳茆璧池香

釋奠初成大道昌氣象雲雷光
占鼎精神絲竹動宮牆
儒臣奉引陪行幄

天語遙聞徹講堂喜覩薪蕪深
雨露奉璋何處不輝煌
聖主熙時敬典勤
乞言端冕在成均
一星大啓天東壁
六籍重昭斗北辰
柏舍日迎

芸輦麗杏壇風繞

翠華新共看冠帶輝文物濟濟
圜橋億萬人

雨潤陰輕學市槐
六韻清奏露門開
諸生已見重雲集

侍子還從屬國來

鴻業百年興禮樂靈臺千載象昭回欲知稽古榮多少
不數春卿漢代才

皇清文穎卷八十四

欽定四庫全書

皇清文頴卷八十五

詩

七言律詩

乾隆四年

聖駕南苑大閱恭紀四首

徐元夢

盛世休和景命隆

皇風淪浹遍寰中遐哉山海梯航至久矣



尊親覆載同

聖主檢身勤夙夜

帝心無逸詰兵戎恭逢千羽虞廷化江漢何須贊武功
先期瑞雪報初晴

仙仗遙臨淑氣迎南苑烟開屯虎旅崇臺日朗耀龍旌
已知師律符臧吉試聽輿人頌

聖明見說

秉旄巡壁壘六軍挾纊動歡聲

弧矢神威自昔留弛張兼用

睿謨周因承累洽重熙業益謹容民畜衆謀陟迹書稱
揚武烈綏邦詩頌屢豐休

皇心端為幾康凜共仰

垂衣肅冕旒

下武周詩溯哲王欽惟

列聖在穹蒼

皇躬作配昭孚式

帝命靈承宣泄忘起沛遺昆皆虎拜大蒸世胄盡鷹揚
老臣筋力慚陪從心切

鸞旂豹尾傍

聖駕南苑大閱恭紀四首

福敏

休祥奕葉慶重輝景命祇承式九圍澤潤衢樽聞擊壤
歌傳軒陞仰

垂衣

明堂脫劍銷兵氣象譯輸琛慕

德威吉日蒐苗遵舊典吾

皇神武嗣

前徽

鳴笳

清蹕白旄揚曙色遙分組練光
絡繹征徒趨甫草嵯峨
石鼓勒岐陽雍容但順三驅禮
節制寧誇七校長簡練
元戎昭

聖武

威靈旁暢入遐方

風雲

南苑護高臺

御駕親臨八陣開
金勒傳符徵頗牧
彩毫分簡命鄒枚
林披餘雪寒光薄
律轉初陽暖氣來
大典新成歌大武
朱干玉戚共昭回

翠葆雲旂夾路迎

天門回輦日初晴
鐃歌朱鷺軍容壯
瑞應騶虞德化成

本為師田昭禮讓遂因旗物辨聲名歡情旁洽

皇風暢經緯鴻猷屬

聖明

聖駕南苑大閱恭紀四首

徐本

瑞雪凝輝協仲冬乘時行狩整軍容屯雲虎旅排千帳
閃日龍旂下

九重赫濯聲靈皆典則覲揚

光烈倍嚴恭良辰扈從趨南苑萬姓謹聞喜氣濃

文治休明冠百王
詰戎禮舉道彌光
折衝樽俎由

淵默揮霍風雲合

昊蒼就位金貂都鶴立
分行羽騎各鷹揚
恭承大閱隨清蹕
森肅威儀網在綱

萬壑龍吟畫角催臨觀

親上晾鷹臺
五兵器習光於電
八陣形開奮若雷
預備幾曾忘偉畧
永平自昔養雄材
請看白羽頻穿札
首應駟虞樂節來

聖武初隨節侯宣

宸章早共日星懸
要知祝網開三面
未異垂裳拂五絃
比戶恬熙胥有象
羣方清晏鎮無邊
禁中頗牧臣何敢
羽舞忻歌億萬年

聖駕南苑大閱恭紀四首

有序

陳世倌

洪惟我

皇上天錫勇智表正萬邦
文德宣昭武功丕著爰於乾
隆四年冬至月舉行大閱禮
六師歡騰萬民忭舞

臣世倌謹稽首拜手而颺言曰禮有六而軍禮其一軍有五而大閱為要周官大司馬中春教振旅中夏教茺舍中秋教治兵惟中冬農事已隙則通三時之教而並舉焉是謂大閱蓋承平之時行大閱之禮以簡擇之則以別材力之強弱技藝之能否心志之離合由是兵知將意步伐疾徐有節攻戰進取有方此聖帝哲王所以義取師貞而威武震疊於天下也

皇上膺

上天之眷佑承

列祖之鴻庥內寧外順遠至邇安然猶不忘武備

命所司具儀集諸軍於南苑之原是日也瑞雪初晴風

和日曜

皇上親擐甲冑指授方畧諸王大臣環侍左右都統將

領督帥步伍威儀悉備少長咸列訓以鸛鷺魚麗

之形導以折衝擊刺之法龍翔鳥飛行陣肅也霆

激電騫卒徒奮也萬鏃齊發角射藝也六軍羅拜
効嵩呼也師整而堅士閑而銳赫赫厥聲濯濯厥
靈周禮所謂寓軍政於四時之田而戒衆旅修戰
法獨詳於中冬之大閱者惟今日

聖天子之舉行大典為然夫豈上林之射昆明之習驪
山之講所可同日而語哉臣竊惟文德大備於成
周而陳兵講武自永清大定以後未嘗廢而不舉
其在成王蒐岐陽而會諸侯亦越宣王因田獵而

選車徒一時臣工若史佚史克吉甫仍叔莫不作
為詩歌以美其上鋪張揚厲俾薄海億兆人庶共
覩太平鴻烈臣幸際誕敷載纘之時敢忘貍首騶
虞之義謹賦四章以抒忱悃臣召穆公曰天子萬年
周文公曰綏厥兆民是乃臣矢音遂歌之微忱云
爾

六合塵清紀

帝功更從吉戍講車攻

鑾輿曉引瞳矐日彩仗晴飄廣莫風陣列千軍鐃吹震
營開萬騎角聲雄臣民共仰

天威肅却在陽和大化中

曉移行幄向閑田

駕近遙聞警蹕傳禾稼秋登開禹甸郊原氣肅朗

堯天驕駟競騁三花鬣霹靂爭飛七寶鞭越棘大弓

親命中星輝五曜協珠聯

雲麗層霄舜日光六師遙認

赭袍黃龍驤肅肅魚成隊虎衛森森雁列行

頒賚盡叨三日酺呼嵩羣祝萬年觴不忘武備勤

宵旰獵碣岐陽未足方

戎政修明典禮成

聖人講武協師貞要令寰海安耕鑿淨挽天河洗甲兵
列祖垂謨隆繼述萬方樂業享昇平拜颺願托臯賡後
文教遐宣慶永清

聖駕南苑大閱恭紀四首

尹繼善

六琯葭飛萬物春

詔傳閱狩肅清塵

金輿赤羽雲中出銀甲朱旂仗外陳
文德覃敷光正遠武功丕振烈尤新
紹

庭不盡憂勤意

睿藻先教示近臣

瞭鷹臺迥接層霄虎帳開時直斗杓

玉座高臨虬纛整軍營徧歷馬蹄遙
千山瑞雪連天淨

四野和風應候調建旄設旄循舊典非徒搏獸咏於苗
南苑晴暉向曉開旌旗簇簇陣雲堆驅馳變化龍驤奮
步伐從容羽騎迴有喜

天顏敷雨露無譁軍令肅風雷

熙朝不廢修戎事赫濯聲靈萬國來

夏諺於今意自親吾休吾助賴遊巡歡聲挾纈回陽律
喜氣投戈洽兆民文囿騶虞仁最溥禹階干羽化彌淳
賜言更進無荒戒憂樂關心仰

一人

聖駕南苑大閱恭紀四首

留保

貔貅百萬衛神州

法駕風清十二旂

輦路遙連黃道正

御爐徐引瑞烟浮
握機一卷承皇古
顯比三驅卜大猷

武備修明全盛日
黎元額手慶

宸游

轟雷掣電火連營疊礮叢鎗共一聲響徹八門開
紫極雲排兩翼現金城

神弓自教諸軍射

御馬常先衆騎鳴甲冑詩書雙濟美吾

皇智勇是天成

賜酺有

詔出

離宮甲士歡騰列拜中幸際太平瞻典禮不徒大武象

神功先春暖挹三陽麗積雪光涵萬旆紅如虎六師齊
挾纊鏡歌聲裏仰

鴻濛

元靈邃閣倚南潯

駐蹕時懷作述心詩繼

仁皇同典訓業遵

列祖並高深武功文德垂金鑑緯地經天作

寶箴慚愧小臣踈筆陣敬從颺拜頌咸臨

聖駕南苑大閱恭紀六首

田懋

聖人恭已邁垂裳

鸞輅時巡闢九閭

文德覃敷歌鳳翽

武功聿奮重鷹揚爰徵月令諏良日更考天心應一陽
華蓋平臨行漏轉惟聞複道散奇香

日麗金門淑氣通旋移仙仗向

惟宮三時務畢知民樂六出祥呈識歲豐霽色千郊平

輦路晴烟九陌轉和風始知

帝力難名處只在衢歌夏諺中

璫宇琳宮締構宏

聖心欽若轉屏營紹庭永矢羹牆慕景行彌深繼述情
丕顯丕承崇

往烈一遊一豫墮民生

宸章題處星辰麗紉縵卿雲得載賡

行營肅穆廣場開

清蹕傳宣

萬乘來虹曳旌旄輝五色雲屯壁壘應三才干矛森處
明於電鉦鼓喧時隱若雷步伐止齊嚴紀律日華深捧
瞭鷹臺

角力呈材士氣揚桓桓虎旅盡騰驤紛紜騎擁風雲轉
燦爛鋒生斗宿芒弓挽六鈞驚霹靂矢穿七札靖欃槍
太平休養軍多暇武節遐宣

國運昌

天厨頒賜飫芳鮮
抃舞雍容奏凱旋
地迥正宜呼俊鷁
風微不用載鳴鳶
折衝樽俎非忘戰
賞獲論功在得賢
何幸小臣觀盛禮還期

夙夜懋乾乾

聖駕南苑大閱恭紀二首

塞爾赫

雪晴南苑淨氛埃
大閱欽瞻

萬乘來颺沓羽林
皆虎旅騰驤寶騎
盡龍媒禮崇舊典
三驅洽旂展鮮雲
八陣開文化更忻
兼武畧

親臨指授迅風雷

一聲清蹕肅連營赫赫河魁太乙兵七校按行分雁翼

五雲作隊引

龍旌霜原日霽吳戈耀垌野風飛夏箭鳴

神武作君欽

廟算丕揚謨烈慶昇平

聖駕南苑大閱恭紀二首

呂耀曾

乘時閱狩重三驅

法駕龍輿徧九衢
析羽旌門昭

聖武擁麾幄殿肅

皇圖千官鵠立霜戈耀

萬乘雲屯玉甲趨

繼述同符遵典禮
覲光揚烈顯訏謨

風和雪霽動輕寒

聖主臨軒七校團

德耀兩階光舜日
典昭九伐凜周官

琳瑯珠玉揮毫見龍虎風雲列陣看共仰

天威顏咫尺呼嵩舞忭奉

宸懽

聖駕南苑大閱恭紀四首

張廷璐

昇平職貢九垓同武備時修廛

聖衷雲集千官趨帳殿星羅萬象護

行宮旌旄色漾和風裏鎧甲光生麗日中畫鵠初陳飛

赤羽

君王親引六鈞弓

畿南冬狩敞軍營

輦路新開玉勒行
羽衛森嚴環列宿
花驄蹀躞導前旌
龍驤自昔稱中壘
虎旅由來重禁兵
咫尺

天威叨指顧
期門甲士倍光榮

野曠沙平散馬蹄
雕戈畫戟擁東西
烟光匝地千聲合
鼙鼓臨風萬隊齊
氣壯六軍騰虎豹
旂分八校耀虹霓
武功文德兼

昭代久已車書達象輶

羽林夙昔荷

恩殊簡閱尤沾雨露濡

賜帑更頒天庾粟傳餐同飽大官厨長楊漢苑誇遊獵
甫草周原記選徒何似

聖朝隆典禮歡聲雷動遍

堯衢

聖駕南苑大閱恭紀四首

吳應棻

畿南雲氣接

宸居東望扶桑掛日車天意放晴迎

玉輅山容展黛拱

金輿城鴉有隊隨陽舞苑柳無言待臘舒今夜滹沱應
解凍百靈環衛翼

周廬

元靈宮闕倚崔嵬賡和

奎章頃刻裁龍虎氣從千帳出鳳鸞聲自九天來簫韶

已奏平成業輦鼓還思將帥才
百里萊田標似錦列營
齊對瞭鷹臺

貔貅十萬耀戎裝共仰

龍鱗照日光馬控流星紅赭汗
弓開滿月綠穿楊旂稍
風颭花千簇鹿角雲排卦八方
兩翼中間羅萬象

盛朝軍制邁軒黃

恩綸大賚羽林軍踴躍歡聲動
地聞將士渥沾三日宴
山河底定萬年勲陋他漢武金
鐃曲拓得周宣石鼓文

大狩禮惟司馬職葵心一點捧紅雲

皇清文穎卷八十五

欽定四庫全書

皇清文頴卷八十六

詩

七言律詩

聖駕南苑大閱恭紀四首

凌如煥

旗門鼓吹曙光融

萬乘鑾輿出絳宮
霽日全融馳道雪
曉烟輕泛上林風
鐵衣隊隊鳴金鐙
羽騎森森拓寶弓
文德久敷軍政肅

太平

天子秉元戎

甲冑

躬親按轡行黃金萬葉色晶瑩琯弓滿引穿楊枝

御騎遙巡細柳營氣奮貔貅雲翼展光騰組練雪花生
德威共仰

天顏近將士無譁號令明

帝座星臨耀九垓高張

黃幄涼鷹臺登壇角吹龍驤合匝地營橫雁字來一片
雷聲紅日裏千竿旗影白雲堆止齊步伐諧鉦鼓九進
連環次第催

回駐營門八陣安靜方動直卦圖看詰戎序應三農暇
紀歲豐騰萬井歡

賜食賜金羅甲士從龍從虎列儒冠

微臣

身沐

天恩渥簪筆從容咏大觀

聖駕南苑大閱恭紀四首

錢陳羣

瑞雪初晴

輦路開觀揚典禮肅風雷寒凝貔虎千官集雲擁郊原
萬騎來紺殿丹青思

締造

奎章金碧仰昭回吾

皇繼序兼繩武衽席從知慶八垓

禁旅兵樞慎所司親承

指授下丹墀陣通變化終歸律法合韶鈴在出奇文德

久敷寰宇內武功敢忘太平時軍中共覩黃雲近誅餘
躬臨視六師

不數騶虞賦五祀禮成

恩賚復頻加玉匙飽飫大官米金錯分嘗哈密瓜
聖主衛民心最切諸軍奉

德聽無譁欣瞻

鳳藻從天下墨色澄新映曉霞

一人親握帝王符天縱多能裕

睿謨玉帳開時光日月龍旂展處伏孫吳

九重宵旰惟無逸八政賓師戒不虞珥筆聲詩慚吉甫
為傳虎拜與山呼

聖駕南苑大閱恭紀四首

張廷琰

聖武惟揚六寓平選徒南苑駐霓旌簡稽令典崇周禮
羽獵雄風陋漢京地接滹沱瞻野闊日躔星紀慶陽生
順時禁旅森

行蹕紉縵榮光五色明

瞭鷹臺敞勢穹窿肅穆

天顏寶幄中組練六師心向日貔貅萬旅氣成虹令嚴
鉦鐻申三略陣協星辰式九宮惇史即今書盛事文經
武緯邁車攻

雪霽沙平淨碧天驂騑千騎蹴寒烟森森戈甲迎霜麗
燐燐旌旗映日鮮軍肅舊嫺司馬法

恩濃新賜水衡錢騶虞共咏

皇仁溥雉鹿都馴繞玉鞭

班聯此日侍彤闈喜見和風拂羽旗

睿藻載賡繩

祖德凋弓頻挽煥

天威於今邦政基磐石自昔詩篇賦采薇

盛世不忘修武事儒臣長扈

六龍飛

聖駕南苑大閱恭紀四首

春山

晴旭天開映

九重

翠華南苑閱軍容
露凝仙仗香烟細
風送鸞旗瑞靄濃
龍虎六軍隨日御
貔貅萬隊協雲從

盛朝振武勤于邁
吉日車攻喜再逢

離宮昨夜道新除
珮玉鳴珂奉屬車
萬畝棲雲登稼後
一陽應律報蓂初
晶瑩積雪明金甲
杳霞晴霞護紫虛
簇簇軍屯環拱處
三申令肅岳山如

羽林列衛幔城開
天策中權虎豹才
五色雲旗張廣漠

金史卷八十六
一聲畫角動層臺
彎弧徹札

天威播擐甲巡師

聖武恢俞騎材官
爭踴躍挺琤金鼓似轟雷

師中有律士無譁
赫奕兵威

聖主嘉八部龍驤
騰武庫五言

鳳藻散天葩
紹庭已識聲靈遠
振旅還看

渥澤加綿武經文
瞻

睿略金甌萬葉鞏

皇家

聖駕南苑大閱恭紀四首

鄒升恒

太平天子蒞元戎，十萬旌旗颭朔風。
雪盡馬蹄飛電影，日晴犀甲耀霜空。
雕弓九合威儀盛，畫鼓三聲步伐同。
一自

至尊親教戰，六軍超距氣增雄。

子月剛逢大閱期，和門雙戟麗金枝。
三驅號令周三隊，八陣風雲應八旗。
殪兇共傳

天子武割鮮均荷

聖人慈清時衅甲非忘戰看取桓桓盡虎羆

講武遐思

祖烈長

神宮親謁肅冠裳即看似火如荼陣先睹鏘金戛玉章
一德賡歌齊虎拜兩階文武簇鵷行欣占五色凝華蓋
誥齡叢中

寶翰光

山河表裏鞏金甌
赫濯聲靈遍九州
樽俎折衝歸禮樂
功名鼓舞出兜鍪
師久已宣文教
將將仍欣仰
睿謀橐筆詞臣逢盛典
萬年稽首頌

皇庥

聖駕南苑大閱恭紀二首

沈榮仁

翠輦初臨擁瑞雲
廣場開處鼓鐃聞
翼聯左右軍容盛
隊列東西陣影分
執銳披堅輝舜日
辨方定位叶羲文
天家羽衛皆殊選
忭舞人人奉

聖君

高臺

黃幄正當中八面森排七校雄霞蔚雲蒸旗煥彩星馳
電掣礮飛空平時教養

恩逾渥此日驍騰藝最工更仰

皇心無暇逸

躬擐金甲試雕弓

聖駕南苑大閱恭紀四首

徐以升

天垂景慶

帝垂裳文教覃敷武奮揚南北賁琛歸禹貢東西鸛鶚
入堯疆亦知世治兵無用誰道時平戰可忘

簡閱特行冬中典羽林千萬盡龍驤

銅龍漏曉

屬車行寒柳晴融樂鳥聲雲早高擎霞氣紫霓旌橫拂
日華明千條馬埒如弦直百步萊田似砥平
雄壁壘羃天錦繡五花營

鼓旗十二瞭鷹張

天子親臨日月光
九地龍蛇縈曲直
八門魚鳥制圓方
無譁霜凜干戈氣
有爛星羅劒佩行
共仰中央雲一朵
氤氲紅繞

御爐香

六軍

溫詔乍傳宣

內府恩流百萬錢
靈囿呼嵩山谷應
和門挾纊鼓鐃闌

風清玉輦

龍顏喜露湛彤弓豹尾旋

聖世觀兵原耀德金甌長卜太平年

聖駕南苑大閱恭紀四首

朱良表

閱狩乘時出建章畿南風景宛岐陽

御園乍合河山壯甲仗齊開日月光鐵騎星流青羽箭
珠幡雲繞綠沈槍昇平會覩軍容盛

睿念還期切

觀揚

六軍鼓吹叶歡雷

天子親巡壁壘來黃鉞臨時冬日暖玉鞭指處陣雲開
鉦鼙有節申師律部曲無譁辨將材獵獵旌旗風自肅
翠華直上最高臺

殷天動地迅雷威鎗鞞鏗鏘振鐵衣戈戟舒芒臨雪耀
驂騑逐影嶺雲飛勗哉步伐齊三表允矣

勲華被九圍慶協天人徵悅豫欣看文物有光輝

時和雉兔盛原田

敕許從禽

御幄前虎旅張弧懸皓月龍驤試馬踏連錢漫傳狸首
騶虞節寧詞車攻吉日篇

聖德經文兼緯武兩階干羽入薰絃

聖駕南苑大閱恭紀六首

彭啓豐

閱狩

鑾輿駕六龍布昭神武控提封禮隆吉日循宵雅典重

周官屈仲冬偃月旌旗羅陣法凌霜組練壯軍容共瞻
清蹕臨南苑饗士先垂雨露濃

貔貅羽衛礪鷲刀金甲歲蕤護赭袍行列森嚴巡虎旅
陣圖合變仰龍韜平原雪淨驂騶騁廣澤風寒鷹隼高
從此軍門超細柳指揮親見

聖躬勞

連天鼓角殷轟雷駸駸揚旌颯畱回昨日陰雲凝大野
今朝霽色麗高臺重光

祖德丕基固默契

天心萬象開四海銷兵長洗甲和風故遣靖纖埃

靈圓方看雉兔肥天山早說卷戎衣網開一面敷仁澤
制合三驅耀武威常以蕃昌占阜物偶因校獵肅行圍
宸衷更切垂堂戒弭節從容馭六飛

七校屯雲依翠阜二虞萊野厲黃涔割鮮分賚由中禁
給札揮毫出上林敎選車徒籌有備輯案干羽化彌深
武功自足昭文德鐃吹如聞奏凱音

詰旦回鑣道再除都人額手望

鸞旗岐陽萬古誇雄駿漢光長年頌樂胥

賜重挽強榮禁旅

恩深挾纊飽天儲

小臣

願進車攻什不學相如賦子虛

聖駕南苑大閱恭紀四首

林令旭

雪霽初開輦路塵

翠華夙駕鳳城闌蒐苗法古軍容肅遊豫乘時武德新

七萃旌旗光耀日三驅笳鼓氣先春

恩深挾纊人超乘

帳殿前頭頌

聖神

吹角旌門列騎輕
雕弓抱月鐵衣明
穿楊電激圍中賞
飛礮雷轟掌上聲
旅萃貔貅兵甲利
營連鵝鵲陣圖成
金湯萬里

天威播氣掃欃槍
識太平

龍驤虎旅晝鳴笳
士馬雲屯靜不譁
蹀躞錦韉分內廐

輝煌金甲襯明霞兩階千羽聲容盛萬國共球職貢遐
玉管吟成欽

睿藻長楊羽獵漫相誇

不動天風雉扇移晴光旭日護

龍旗軍聲遠振鐃歌奏

御氣遙遙赤羽馳應識止戈昭

聖武曾聞無戰是

王師韜鈴祗向閒中習四海於今自靖綏

聖駕南苑大閱恭紀三首

徐以烜

馳道清塵

法駕移羽林排仗整鴻儀
瞳矐日耀黃金甲廣莫風翻
赤羽旗立鵠千官瞻肅穆
穿楊百步仰神奇玉駟周視
軍營遍紀律森嚴

帝者師

君王臨御瞭鷹臺七校分行八陣開
鎗試連環光掣電
礮飛子母勢轟雷
龍旗徐引千軍合
畫角齊鳴萬騎迴

洛水岐陽何足擬布昭

聖武邁雄才

和門振旅禮初成正值條風應律生馬蹠晴郊殘雪盡
幕連寒樹暮雲平經文緯武昭隆治弭矢橐弓慶永清
才愧鄒枚叨珥筆敢將詞賦擬西京

聖駕南苑大閱恭紀四首

吳華孫

文教覃敷

聖澤周更瞻講武頌天庥西山翠映朱旗動南苑晴輝

霽雪浮陣簇羽林
屯虎豹兵環神策
肅貔貅欣逢鉅典
當農隙萬國嵩呼徹

帝州

紅雲捧處奏韶鈞
鳳輦

躬臨簡閱親萬騎
騰驤開曉仗六軍
飛動飭勾陳排空
霜戟含鋒銳麗日
星旗繪象新節合
騶虞鳴羽鏑勇欽
天錫邁羣倫

芳郊瑞靄氣氤氲
玉帳千官鵷鷺分
衛接九天依日月

營開八陣合風雲
驂騑色闕金環轡
鎧甲光生錦繡紋
共覩虞階干羽集

聖朝締武即經文

節應芳芸化日長
禮遵王制樂平康
龍韜獨蘊歸

神武

鳳藻高翔仰喬皇
蹕駐郊垆湛露

鑾迴禁旅被恩光

微臣

幸廁清班末珥筆
何能罄頌揚

聖駕南苑大閱恭紀四首

梁文山

乘興蘭橈泛碧溪
漁歌驚散水禽啼
白蘋渡口烟初暝
紅蓼灘前日漸低

南苑應

制

吳偉業

綠楊春繞栢梁臺
羽蓋梢雲甲帳開
知是

至尊親講武
日邊萬馬射生來

車駕親征朔漠饒
歌六首

張玉書

饒吹聲高朔氣融
凱歌人仰

廟謨功宵衣決策

深宮裡萬里軍情指顧中

春風曾不度龍沙
罽帳常霑六出花
却喜雪融催草綠
馬嘶聲壯隱邊笳

鷹揚環擁

御營傍刻漏聲嚴
夜未央北斗當頭
天似水亂山迎面
月如霜

萬里真同咫尺看
嘽嘽鐵騎耐霜寒
沙場競唱從軍樂

瀚海何憂行路難

去日枯條未放春歸來榆柳綠初勻平沙草燠行圍蚤
獵得黃羊

賜從臣

近邊六月曉風和紅藥金英匝路多應為關門春蚤謝
穠華留待

屬車過

武功告成饒歌十首

張玉書

靈泉匝地浸春蕪縱目連營日正晡紅柳萬株新月吐
一輪冰鏡挂珊瑚

銀鱗古鎮閱沙陀千里軍容靜鵲鵝無定河邊孤戍冷
受降城外屬藩多

漢唐渠水繞青畦烟火千家板屋齊統萬城頭天一顧
永銷兵革事耕犁

鐵駟明駝列廐陳輕舠擊楫大河濱官家纖悉皆儲峙
閭左何煩算一緡

萬乘旌旗明日月九天號令肅風雷陽生緹室春光早
暖入紅橋霽色開最喜六花猶貼地平飛鐵騎淨無埃
鳴鐃振鐸選車徒指顧龍蛇展陣圖曉日晶瑩明組甲
朔風勁烈入雕弧馬嘶平野騰驤閣旗列諸方錦繡鋪
更向五雲高處望太平

天子握兵符

城南苑園路逶迤雷動星陳簡六師洛水裳華傳盛事
車攻吉日詠新詩弭兵久遂昇平樂講武還勤暇豫時

赫齡臨戎昭有爽

君王福祿正如茨

振旅歸來日未晡
瞳瞳晴景照高衢
軍容共識雄三輔

王會遙知徧八區
律呂早宣

天藻盛金縉重沐

聖恩敷六軍
喜氣通霄漢
太乙鈎陳拱

帝都

聖駕南苑大閱恭紀四首

金德瑛

敷文懿德載橐弓冬狩因時閱武功吉日應占菟卒乘
期門奉

詔集羆熊風雲四面儲胥合日月中臨閣道通鵲尾香
飄徐按轡太平

天子統元戎

組練飛馳捷羽翰城南草淨列營寬六師盡識尊尊誼
萬乘親升將將壇鼓角濤喧驚野外旌旗雲合映林端
正當雪積霜凝候挾纊

恩深士不寒

兵制深嚴仰

聖朝烝徒不數霍嫖姚環生陣勢隨舒卷山立軍容敢
撼搖共荷

皇威爭自奮夙嫻師律寂無囂
一人穀矢連穿札萬騎嵩呼動碧霄

振旅還旌我武揚止齊步伐自知方清時久已銷兵氣
餘勇猶看騁獵場士飽馬騰襄

盛典金聲玉振頌

宸章昇平文教覃無外永固鴻圖

寶籙長

聖駕南苑大閱恭紀四首

秦蕙田

昇平大典重車攻上苑

親臨吉日中龍虎作羣隨寶燾貔貅列隊
鐃雕弓聲威遠淨千峰雪氣色高騫萬里風
干羽久昭文德盛乘時肆武耀神功

六軍山立護神京七校星羅拱

御營天廡夙調皆上駟羽林宿衛總親兵聲騰鉦鼓河
山壯光絢旌旗日月明

盛世軍容彰赫濯威弧氣已靖櫓槍

赤羽飛揚散五花韜鈴風后重專家三申有令王先制
萬隊無聲士不譁壁壘精嚴過細柳指揮倏忽走長蛇
神機火器尤無敵殷地雷轟轉雷車

駐輦高臺翠葆翔經文緯武日重光三驅雲擁飛龍馭

七札星流屬羽芒

帳殿揮毫膽

聖藻和門橐筆奏長楊
消兵竊有平生願
五色彰施仰舜裳

聖駕南苑大閱恭紀四首

胡中藻

天家創業一戎衣
山海梯航坐指揮
寶鏐留塵封玉匣
長城如米聚金扉
銘勲舊有麒麟閣
講武新開虎豹圍
誰道承平循故事
今朝草木想神威

禁旅宵嚴出建章武功無事亦難忘千官捧日隨
天仗萬騎屯雲踏曉霜槍壘斜分沙岸濶轅門高挿玉
鞭長平明試聽行軍令鐵駟風翻簇寶裝

玉勒徐行五壘中六軍擁護試雄風且看雪羽光堪照
無限霜英日漸融八陣風迴圖遠勢兩階千舞想膚公
猶傳校獵揮餘勇箭簇三花野草紅

天池洗馬解花韉月偃琯弓漫挽弦緹騎八門非用武
折衝千里不臨邊將軍且許傳杯酒甲士猶勞出賜錢

洛水周家稱盛事

微臣

重咏六師篇

聖駕南苑大閱恭紀四首

齊召南

七萃朝嚴玉帳深九宮中位

紫微臨旌旗雲罕高

龍纛壁壘天星動羽林百道長虹環劍氣八方雄獸抱
鉦金由來文德兼神武萬里烽銷碧海濶

禡牙金甲照南山軍令

重瞳曉自頒三陣指揮天地合百年清晏虎豹閒笳風

羽箭千雕落苑雪桃花萬馬還共說

至尊雄略盛射蛟

親取大弓彎

雲承

華蓋駐旌門威控招搖壯戟幡會士漢年臨渭曲
車周月在天龜靈鉦震起冬行狩桐鼓雷騰曉卧轅千載
雅詩賡獵碣不闕江漢咏鋪敦

星戈月羽肅森森虎旅魚麗萬貝綬

親整六師

天子事長安四海

聖人心禮成大閱春卿典誓在中軍夏德深正報一陽
迴玉琯盡聽鐃吹起和音

聖駕南苑大閱恭紀二首

王會汾

龍旂長引電鏐鉞講武平時按玉堂

天子雄儀高上將

帝星符彩動文昌參旂戎路岐山曉白馬朱鬃渭水陽

共說西京多故事不關鈴策授漁璜

南苑沙平海色新天開晴雪映華林
控弦赤羽風翻電鑠甲團花日碎金
都尉落雕初獻獲將軍鉞虎合頒禽
至尊英略兼雄藻誰賦長楊倚劍鐔

聖駕南苑大閱恭紀二首

孫宗溥

農閒振旅耀南畿一帶晴峰入翠微
萬騎踏雲隨曉仗六軍捧日識

天威旗分荼火連營壘將號熊羆
聽指揮金甲躬披光

燦爛鼓輦聲裏五雲飛

旌立和門左右陳琬弓畫戟一時新狩從文囿同民樂
網祝商郊與物春玉帳夜聞行漏箭珠旗曉淨屬車塵
鑾回警蹕天街肅

萬歲嵩呼達

紫宸

聖駕南苑大閱恭紀四首

表曰修

閭闔晨開六轡閑層霄星拱太微間光生

彩仗排成錦壁立

天營望若山赤羽分旗森虎衛黃金擐甲觀

龍顏閣門昨日傳

溫旨犒賜頻仍次第頒

瞭鷹臺矗擁千官

黃幄親臨駐馬看銳走雷霆聲震疊捷馳風雨勢瀾漫
六師奮武軍容整萬里銷烽海宇寬天下太平無一事
至尊猶念守成難

已占來歲隴頭春瑞雪平鋪大地勻
候應一陽稽月令
禮遵九伐舉時巡
兵農交重垂邦憲
文武兼資識

聖人信是居安常有備
獨先兢業勗臣鄰

高原四望喜豐年
滿路歡聲振旅旋
億姓有心皆向日
一人每事必承

天輝煌

祖德懸金鏡
煥爛

宸章泐寶牋
此際回

鑾歌飲至侍臣同進九如篇

聖駕南苑大閱恭紀四首

莊有恭

堯階干羽洽重熙修武歡歌吉日詩

駕出明光陳宿衛烟清平樂麗朝曦龍駉電掣騰千騎
熊虎風迴動九旗即此聲名揚近遠知方有勇是仁師
和門鼙鼓一聲開碁布軍容實壯哉魚陣伍縫編列隊
雁行兩翼繞高臺平沙地濶轟雷馭

黃幄天臨正斗魁赳赳干城欣有託六師俱是出羣材

兆呈三白曉初晴紫氣黃雲護列營谷暖不知冰雪冷
天澄愈覺旆旌明覲揚

祖德懷神武揆奮

皇圖息遠征軍法自來遵古制從知耀德寓觀兵

聲靈赫濯邁岐陽典禮修明正萬方德固鳳麟來有象
農田獮狩戒無荒鑣鳴自協騶虞節樂奏宜登白雉章
幸厠西清傳盛事抽毫未敢效長揚



皇清文穎卷八十六

欽定四庫全書

集部

皇清文韻卷八十七

詳校官檢討臣朱依昊

主事銜臣徐以坤覆勘

覆校官中書臣田尹衡

校對官中書臣王鍾泰

謄錄監生臣張鱗

欽定四庫全書

皇清文頴卷八十七

詩

七言律詩

乾隆八年

聖駕東巡

盛京恭謁

祖陵大禮慶成詩十首

有序

陳世倌

洪惟我

皇上御極之八年庶績咸熙禮明樂備當累洽重熙之
會溯經營締造之初

念禮隆報本合萬國以抒忱孝首尊

親虔一心以昭格况幽岐開基業之始典倍切於追崇
而

園陵歲弓劍之區禮尤嚴乎禋祀於是以虞舜之大孝
符周武之配京序值清秋時惟七月虔諏吉日恭

謁

祖陵奉侍

慈幃夙駕

鑾輅於時百靈擁衛庶官景從縣寓騰聲四野歌呼齊
起川原生色萬郊禾黍俱豐出古北之雄關詣瀋
遼之重地千重嶺岫遙瞻

王氣之網緼萬樹松楸羣仰神區之蔥鬱
闕宮祇祓典禮燦陳帳殿齋居質明將事

孝推一本字愛慤於僂聞愾見之餘誠徹九原通神明
於陟降上下之際

皇上肅然止敬穆乎無言緬

祖宗創造維艱地闢天開允垂卞世卞年之久念子孫
繼承不易膺符受籙敢忘克勤克儉之模禮徐遍
於

三陵忱每將夫一敬告成大祀乃燕明廷助祭百工均
頒酒脯輸誠六服咸與几筵大官之水陸畢陳飲

御之公卿既醉爾乃

袞垂藻火面南離以

當陽廷肅鷄鸞共北辰之居所黑齒趨蹌於王會雕題

拜舞於

天朝德教遐宣奮揚斯舉火荼日月黃麾動而七校齊
開龍虎鳥蛇畫角鳴而八陣咸合左射右射並宣
天子之威大綏小綏仍戴

聖人之德而且推恩無外錫類多方自王公以逮軍民

槩沾膏雨由京邑以連荒徼普煦陽和既時邁而
伸殷薦之誠乃

回鑾而理垂裳之治此皆

皇上德宇蒼昊孝通神明乃與園丘祀

天方澤祀

地之禮並隆千古也臣忝掌絲綸徒塵政府謬司教習

無裨吉人弗獲隨從

乘輿式觀典禮時逾三月未聆訓行于

天言身領百寮莫效肅雍於相祀敬成七律聊抒戀
主之愚忱恭賦十章用志饗

親之達孝云爾

熙朝區夏肇東瀛天作高山啓

大清

三后神靈時陟降

一人統御際承平

祖宗文武垂先烈

原廟衣冠想舊京報本不忘親享祀旋看奏假賚思成
鵷班拜手送

鑾輿

帝侍

慈闈問省餘神列勾陳隨輦後時當零露屆秋初問閭
共慶寧居樂稼穡羣覲大有書更喜太平真氣象出關
民物似華胥

王氣蒼茫屬瀋遼陪都東去路迢遙渾河曲折環邊極

鉄嶺崢嶸接斗杓
龍虎萬年長拱抱
精靈五夜每趨朝
橋山弓劍歸藏地
時有紅雲上九霄

祠官典禮疊相承

列聖居歆儼式憑
僊見愾聞通一氣
水源木本溯三陵
粲盛潔處齋心達
背脾焚餘香靄升

聖祖昔年殷薦後
又看繩

武肅嘗烝

履武姜嫫推

聖母篤生

始祖事神竒燕天

高帝初光宅續緒

文皇實肇基

王業艱難垂世德

皇心乾惕協靈祇

闕宮盥薦抒誠恪有道

曾孫對越時

燕喜一堂羣受祉

天厨稠疊

湛恩宣漢高沛邑歌風日建武南陽置酒年長白嵐光
遙對席松花江色靄浮筵

君臣究似家人會既醉歡欣

黼座前

殿名崇政肅朝紳稽拜信桓及遠人鶚立鵷翔齊舞蹈
黃支烏弋並尊親八荒在閭聯中外六合為家篤主臣

應遣畫師閭立本圖成王會獻

丹宸

雍容典禮敷文德震爚川原耀武功陣合鸛鷺緣大閱
軍分荼火為臨戎網留一面湯仁在禽失三驅易象同
却笑揚雄誇羽獵何如吉甫詠車攻

恩詔頒來速置郵

德音汪濊徧神州聽將匝地歡呼動知是經天惠澤流
錫類定能孚血氣宣威不獨鼓貔貅

聖朝至治歸仁孝庸行從來即大猷

告成大禮返

皇畿路過灤河望

六飛發

駕金風方颯爽迴

鑾玉雪正雰霏舞成七德揚暈羽庭列千官拜袞衣赤
鳳白麟休獻瑞太平端拱自巍巍

聖駕東巡

盛京恭謁

祖陵大禮慶成詩八首

有序

于振

我

皇上御極之八年泰階既平百揆時敘禮樂明備朝野
熙恬於是述

祖德頌

宗功有事於

三陵禮也

臣

竊惟謁

陵展孝為典最鉅載籍雖遠然漢唐以來可得而稽也
漢嘗以正月上陵百官四姓公主諸大夫外國朝
者侍子郡國計吏咸會至期晝漏初上大鴻臚設
九賓於寢殿鐘鳴謁者引客就位如儀乘輿自東
廂下升階展拜大官尚食太常奏文始五行之舞
郡國上計吏以次前當神軒告其郡穀賈人所疾
苦欲神知其動靜焉唐禮朝陵之先日設黃麾仗
周衛陵寢至日質明七廟子孫及諸侯百僚蕃服

君長皆陪於司馬門內上至小次降輿入門再拜
躬親執饌閱視先帝后服御之物引諸功臣並入
執爵進俎奠訖乃復蓋孝子事親曲盡愛敬之心
有如此者漢唐諸君去古已遠然未嘗不緣情制
禮以為法於後世故垂諸史冊以昭令式良有以
也臣伏見我

皇上御寓以來盡孝盡誠善繼善述體

祖

宗之心以為心法

祖

宗之政以為政優乎如見愾乎如聞蓋未嘗一日釋也

洪惟我

朝發祥長白奄有中外肇萬世無疆之休實由我

列祖

列宗積德累仁承

天景命豐功駿業昭垂奕禩肆我

聖祖六十一年之中三謁

園陵恪脩祀事孝之至仁之極也我

皇上敬繩

祖武諏吉日飛六龍奉

慈寧備法駕百官咸會六師景從遂屆

興京舉行

盛典於時天澄其氣日朗其精松楸蔚然

闕宮肅穆

皇上萃精神嚴對越孝敬之至通於

神明洞洞然屬屬然視於無形聽於無聲念經營締造
之維艱思夙夜敬承之不易遵豆既飭肸鬯如聞
皇哉唐哉亦孝之至仁之極也昔周之王也定鼎
郊廓卜世卜年承承繼繼然姬公陳王業之艱難
述農夫紅女衣食之事以推本風化之所由興必
以始基靖民歸之后稷十五王而文始平之十八
王而康克安之蓋創業垂統若斯之難也故曰周

家世篤忠厚以成其福祿而啓佑後人我

祖

宗亦世啓鴻圖以昭茲來許而垂諸萬祀

皇上席重熙累洽之盛而不忘小心昭事之誠以視思

文之頌后稷于邠之咏公劉惟此王季貽其德音

至於文王維新厥命光懿顯燦何以加焉彼漢之

衣冠出游唐之薦衣獻服直瑣瑣耳曾何足以媲

此

鴻庥光斯

盛烈也哉

臣忝列詞垣濫竽律館雖未獲躬隨

法駕預於駿奔之末而朝夕論思日月獻納抒下情以

通諷諭宣

上德而盡忠孝雖學殖荒落然雍容揄揚比於雅頌亦其職也夫

盛德所孚樞馬猶知仰秣

太和感召游魚尚解揚鬐況臣庸愚敢忘舞蹈因不揣

蕪陋拜手稽首而獻詩曰

萬乘東巡展孝思鳴鳶前載漾微颺濕雲頓掃開芳甸
晴日平臨滿畫旗漢代歌風追鎬洛周家卜世溯幽岐
起居晨夕依

行殿仍似

深宮定省時

高山天作發祥初長白縈迴結隩區鴨濬仙源瞻王氣
鵲銜靈果啓鴻圖黃麾宿設周廬仗赤伏還陳

受命符載撫栝捲欽

祖德

宸襟彌自斂盤盂

萬峰岑寥藹松揪鬱蔥蔥佳氣浮

寶祚無疆知地脉

曾孫有道荷

天庥衣冠拜處朝儀肅

綸綍宣時惠澤流春露秋霜方

怵惕歡聲早已動

皇州

雉堞崢嶸杳靄間

睿謨握勝控雄關南臨渤海無遼海東接松山與杏山
應運功成遺壘在

太平日久戍樓閒即今雞犬桑麻地饗蜡吹豳自往還
悠悠旌旆靜無諱來享來王總一家到處如安記里鼓
遣歸不假指南車驚黃褶麗隨

天仗狐白裘溫扈

翠華欲倩龍眠高畫手摹成王會示荒遐

朔風凌競馬驂驪鶴鶴魚龍士所諳伏札能穿何論七
前驅不誠總開三千屯月上霜威冽萬幕雲深雪意酣
日暮放置鉦鼓卧又聞

帳殿啓經函

萬幾清暇富文章頃刻龍鸞天際翔

賦就

盛京思

劍鳥

舞成

世德念

羹牆宮懸肄業

皇猷壯瓊笈鐫摹

御墨香蠡管詎能窺

聖學願偕儀鳳記鏗鏘

冬序初迴是小春一陽來復屆芳辰

鸞輿過處衢歌溢

鳳輦歸時巷舞頻共識

盛朝隆典禮咸知

純孝格

天人小臣愧乏卷阿頌鼓腹聊同擊壤民

聖駕東巡

盛京恭謁

祖陵大禮慶成詩八首

有序

王會汾

臣伏見

皇上御極以來

至治覃被決于中外鴻文盛儀靡不徧舉

孝思烝烝格乎

天

祖今年秋七月

車駕幸瀋陽奉

皇太后謁

陵廟祇祇翼翼大禮紀成傍推典章所宜柴燎望秩羣
祀山川咸享明薦爰暨開國勛勞之臣亦酌尊爵
仁義嘉孚上下協應時則有屬國遠藩名王侍子
翎侯貴人咸馴我

聲教愜我

威靈亘塗萬里鼓舞修職

皇歡載洽大號用字

湛恩滂洋幽遠胥洎廼孟冬吉日旋

蹕闕庭備福受祉百官兆人惟喜歌呼共慶無疆萬年
之庥謹稽古者天子有大功德大典禮則在位者
作為歌詩揚舉懿美流連勿忘所以備朝廷之彝
憲達羣下之至情不可已也況

聖天子陳常立極巍巍

孝治邁古有光舞之蹈之宜在今日臣以愚陋荷特達
殊恩得列近侍拜颺

床烈臣實職之雖辭謫理薄不足仰頌

聖明于萬一尚願隨轅童壤翁之後抒其詠謠以美
上德之至盛光千載於禮儀云爾

東巡秋燦

九重霞黃道天開引

翠華父老望深豐沛地禮儀光盛

帝王家

龍旂紫塞懸弓月虎旅青霜拂劍花見說

歡顏動

文母我

皇親侍彩鸞車

晴色千林宿雨收望中禾黍翠盈疇香迎

豹尾騰雲合影轉蛺旌穗露浮已報豐年書太史便行
秋稼指神州從臣共識

皇情豫駐

輦時時賦滿篝

漠雲如海散朝煙皎皎青霄赤日懸遙望氣雄元菟郡
更欣春照紫濛天呼嵩動地名王拜震電驚霆大號宣
萬里星躔拱

宸極

盛朝威德被無邊

祖宗神武奠鴻功

靈命長祥

帝所鍾萬歲山光穀林樹千年雲氣鼎湖龍堆明金粟

瞻

冠劍路駐

仙旂繞柏松此日

精虔奉嘉薦樂歌清廟叶黃鐘

寢殿崔嵬閔九關遺弓瞻省動

龍顏青邱丹水經營地禹甸堯封氣象還星宿久澄霄

漢上熊羆長守翠微間

孝思孚感無窮意相照金碑玉藪班

南陽白水睹

真人舊里今朝景物新
天漢流精延析木醫閭修職貢
玕珣大風表海明樓殿絕島浮洲帶鳳麟
一自

重瞳臨眺後山川全覺露精神

六龍時邁煥宗周鉅典環文次第修
為想丹青開駿烈
已知川嶽遍懷柔
露蕭車馬東都會香案煙雲

北闕浮

天上詔書銜鳳背
飛來春色滿神州

太平天子上

陵迴晴日千門萬戶開
星綈珠囊增潤處
鳳儀璫管應
風來金甌永固占神策
玉燭平調仰

睿才共慶

孝思繩

世德蒼生流福詠康哉

聖駕東巡

盛京恭謁

祖陵大禮慶成詩八首

夏廷芝

熙朝孝治久昭融
緒纘前徽

帝德隆垂創艱難追

駿烈聲靈赫濯溯

鴻功橋山松棟千春輦

原廟椒馨一氣通

翠輦親臨崇報本
淵源默契總相同

清時典禮重明禋

駕擁龍旂正及辰沙磧千山森壁壘羽林萬騎肅鈞陳
已有琛賁來重譯並使懷柔及百神絕徼歡闐宣德化
黃旄朱節紀東巡

挿天長白聳丹霄鴨綠滌回江水遙州接青營雄地軸
野分箕尾煥星杓素題樸桷風猶古白馬彤車績尚昭
列祖

神宗貽蔭遠千年儉德溯陶堯

寶城蔥鬱護雲煙盼繃初升對越虔

玉匣哀龍垂奕代

寢園弓劍感當年

宸衷肅穆抒三獻典禮精誠奉百遵至德中孚能合漠
仁恩從此洽垓埏

祝嘏頻聞告孝慈中和雅奏啓純禧百年禮樂涵濡日
九廟神靈悅豫時往事何須追瀚杜永年直欲邁周姬
推

恩更自酬房魏寄酹長深佐命思

黃花丹葉正清秋仰奉

慈顏頌作求視膳終朝陪

鳳輦承歡曉日近

龍樓九天作賦光霄漢萬國呼嵩拜冕旒

大孝由來天下養億年色笑進觥觥

景物

陪京衍慶長五雲開處坐明堂風清

帝里黃圖會秋滿

真人白水鄉

寵渥需雲頒虎旅

恩深湛露徧鵷行
先時況有蠲租

詔部屋茅簷共樂康

蕃釐已降禮初成
旆轉千貔野不驚
十月陽春回海寓
九重孝享洽幽明
黃榆紫塞敷

天澤東鰈西鷁遍
頌聲光烈覲揚昭
萬古小臣珥筆矢

歌賡

聖駕東巡

盛京恭謁

祖陵大禮慶成詩六首

胡中藻

太平開國本岐豐四海車書此會同
天列星辰朝斗北地趨龍虎抱關東
貽

孫冊府存堯字似

祖輿圖尚禹功最是

橋山冠劍在每逢霜露厓

宸衷

馨香

園寢戒明粢典禮

時巡護六師祝史剛辰蠲九月犧人牲帖報先期蕭闕
北擁風雲騎沛上東開虎豹旗令節雒陽徒故事薦新
朔望陋常儀

艱難王業咏生民瀋水川南析木津五夜齋心符後甲
六龍御輦戒初辛庖霜可補周三禮灌玉還陪漢九賓

父老嵩呼齊拜舞太平

天子肅明禋

奏罷咸池思邈然朱華朝拂引回鞭要知侯國耐金日
猶是塗山執玉年黃目光流侵月露祥雲風裊篆爐烟
曾孫別有馨香處世德尋求荅

在天

殷土芒芒控九州昔年麾指定諸侯高山已作天東顧
瀚海無波水北流龍旂卷舒隨

輦輅地靈今古護松楸散齋

行殿重回苒雲氣蒼蒼五朵浮

列祖精靈想像間

留都周覽悅

天顏歌風

御筆東京賦燕鎬從官六膳

頒遂有需雲同九埜先賸解雨下三闕

回鑾奏頌多大藻染翰慙隨供奉班

皇清文穎卷八十七